

MAOUAIS

Sur l'air de « **My Way** » qui déjà était sur l'air de
« Comme d'habitude » de l'ami Cloclo...

Paroles picardes Jean Caron - 2019

Achteure j'voés l'fin d'chu cmin,
Achteure vlo ch'bout, i feut qu'éj vos tchitte,
Ch'est toute : j'croés qu'ch'est la fin,
Ch'ridieu i tchèt, l'piéche al est finite.
Amis, j'ai bien vétchu,
Sans rien dmander, ni mintir, ch'est vrai,
J'n'étoais mie un fier-tchu
J'n'étoais mie maouais...

Chés rgrets, j'y pinse souvint,
Pasque voés-tu, j'sus conme tous chés gins,
J'én n'ai, coère bin quiques-uns
Alors j'oublie, pis j'porsuis min cmin...
Toudi, j'ai foait à mn'idèe,
Portant des foés quante j'pinse au passé,
Ej croés, oui, ch'est certain,
Qu'j'ai peu éte maouais...

**Y o ieu des coeups, ti tu brayois,
J't'ai foait du mau, à n'in crier,
J'ai mis des lèrmes din tes zius bleus,
J'pinsoais qu'à mi, mi chl'imbléyeu,
Sans m'in voloér, tu m'pardonnoais,
D'éte tel'mint maouais...**

Ej sais qu'ej t'ai déçue
Mais quante éj faisoais min cabotan
El wèpe qui foait simblant
Tout cho, voés-tu, ch'étoait pour tes zius.
Si tout étoait à rfoaire
J'croés mes amis, qu'j'erquémichroais,
Est vrai qu'ej sus pétète fier,
Mais j'n'en sus mie maouais...

**Quoè qu'ch'est-ti qu'un honme,
Quo qu'ch'est qu'il o ?
A pèrt sin tchoeur et pi ses bros,
Pour savoér tchèche qu'il est vramint...
A pèrt li-meume, i n'o mie rien.
Inne vie ch'est cho : ch'est mitan boin,
Pi mitan maouais !**